

exhibitiva, & *Agdoma* distributi-
 va, das ist / solche Zeichen / mit welchen das
 bezeichnere / das ist / im H. Abendmal / der wa-
 re Leib vnd das ware Blut warhafftig zuge-
 gen / Sacramentlich vereiniget / vnd also / mit
 vnd vnter denselben eusserlichen zeichen / war-
 hafftig vbergeben / dargereicht / genommen /
 geessen vnd getruncken wird. Denn solches
 ist die einhellige Lehr / welche damaln Chur
 vn Fürsten / Lutherischer Confession / zusampft
 Herrn Luthero / vnd dessen getrewen Colle-
 gen / öffentlich wider die Zwinglianer ge-
 trieben / vnd noch heut zu tag von allen denein
 getrieben wird / welche der ersten vngewend-
 ten Augspurgischen Confession / von herken
 sind zugehan.

Fürs ander / ist auch alhier wol zumer-
 eken / das der 13. Articul Augspurg. Confes-
 sion / nicht eigentlich die Substantz vnd das
 wesen der Sacramente Newes Testaments /
 sondern vielmehr den Geistlichen Nutzen der-
 selben andeuten vnd erklären wollen / wel-
 cher bestehet in sterckung vnser Glaubens :
 vnd auch von den Gleubigen allen empfän-
 gen wird. Welches / wie es an ihme selb-
 sten die ewige Warheit ist / also wird vort
 den Calvinisten gar färschlich hieraus ge-
 schlossen / das auch die Substantz der Sacra-
 menten